

大事

記

附通釋
解題

二



大事記

附通釋
解題

二

呂祖謙
撰

中華書局

大事記卷四

周顯王四十四年

秦惠王十三年。魏惠王後十年。韓宣惠王八年。趙武靈王元年。衛平侯八年。

夏四月戊午。秦初稱王。

以周本紀。通鑑修。

趙武靈王加肥義秩。

以趙世家修。

韓魏舉趙。趙護帥師與魏師戰。韓趙敗績。

以年表修。

衛平侯薨。子嗣君立。

以世家修。

周顯王四十五年

秦惠王後元年。齊宣王十九年。燕易王九年。衛嗣君元年。

蘇秦自燕奔齊。爲閒。

以稽古錄修。

齊聚學士於稷下。鄒衍、淳于髡、田駢、接子、慎到、環淵之徒。皆賜列第。爲上大夫。

以世家修。

秦張儀伐魏。取陝。

以年表列傳修。

秦築上郡塞。

以列傳修。

周顯王四十六年

秦惠王後三年。魏惠王後十二年。韓宣惠王十年。趙武靈王三年。齊宣王二十年。楚懷王六年。燕易王十年。

秦張儀與齊、楚、魏大臣會齧桑。

以本紀。世家修。

韓、燕、中山皆稱王。趙獨稱君。其後亦稱王。以年表、通鑑修。

楚柱國昭陽伐魏。敗魏師於襄陵。取八邑。復移兵伐齊。陳軫說之而還。以世家修。

周顯王四十七年。秦惠王後三年。魏惠王後十三年。韓宣惠王十一年。趙武靈王四年。

韓魏太子朝秦。以本紀修。

秦張儀免相。相魏。魏不事秦。秦以公孫衍代儀相。伐魏。取曲沃平周。以列傳年表修。

韓宣惠王與趙武靈王會于區鼠。以年表世家修。

周顯王四十八年。韓宣惠王十二年。趙武靈王五年。齊宣王二十二年。燕易王十二年。

王崩。太子定嗣位。是爲慎觀王。以皇極經世修。

齊封田嬰于薛。號靖郭君。以通鑑修。

趙迎婦於韓。以年表修。

韓公仲公叔用事。以戰國策、通鑑修。

燕易王薨。子噲立。以通鑑修。

周慎觀王定元年。秦惠王後五年。齊宣王二十三年。燕王噲元年。衛嗣君五年。

衛更貶號曰君。獨有濮陽。以世家修。

齊迎婦于秦。以年表修。

秦惠王游北河。以本紀修。

周慎靚王二年。秦惠王後六年。魏惠王後十六年。韓宣惠王十四年。趙武靈王七年。齊宣王二十四年。楚懷王十年。

秦伐韓。取鄢。以年表修。

楚城廣陵。年表。

魏惠王會諸侯于曰里。將復尊天子。不克。以韓非子。戰國策修。

魏惠王薨。子襄王立。通鑑。

魏襄王問孟子。天下惡乎定。曰。定於一。孰能一之。曰。不嗜殺人者能一之。以孟子。通鑑修。

周慎靚王三年。秦惠王後七年。魏襄王元年。韓宣惠王十五年。趙武靈王八年。楚懷王十一年。齊宣王二十五年。燕王三年。宋王十一年。

蘇秦約楚。齊。韓。魏。燕。及匈奴。伐秦。楚懷王爲從長。攻函谷關。秦出兵擊六國。皆敗走。以楚世家。秦本紀修。

義渠襲秦。大敗秦人於李帛。以戰國策修。

宋東敗齊。取五城。南敗楚。取地三百里。西敗魏。遂稱王。以世家修。

秦伐魏。以列傳修。

甲辰。周慎靚王四年。秦惠王後八年。魏襄王二年。韓宣惠王十六年。趙武靈王九年。齊宣王二十六年。魯景公二十九年。

齊敗魏趙于觀津。以年表世家修。

韓興趙魏伐秦。秦使庶長樗里疾與戰修魚。虜韓將申差。敗趙公子渴。斬首八萬二千。以年表、本紀、世家、皇極經世修。

齊大夫殺蘇秦。以列傳通鑑修。

魏因張儀請成于秦。秦復以張儀爲相。以列傳、本紀、年表修。

魯景公薨。子平公旅立。以世家修。

周慎靚王五年。秦惠王後九年。趙武靈王十年。齊宣王二十七年。燕王五年。魯平公旅元年。

苴蜀相攻。皆告急於秦。秦使張儀、司馬錯帥師取蜀。貶蜀王爲侯。使陳莊相之。以列傳、本紀修。

秦伐趙。取中都西陽。以本紀修。

齊以孟軻爲卿。以孟子修。

蘇代與燕相子之爲姻。代說燕王噲。以國讓子之。王從之。以稽古錄修。

周慎靚王六年。

王崩。太子延立。是爲赧王。以本紀、皇極經世修。

徙都西周。本紀。

周赧王延元年。秦惠王後十一年。魏襄王五年。韓宣惠王十九年。趙武靈王十二年。齊宣王二十九年。

秦侵義渠。取二十五城。以年表修。

秦樗里疾伐魏。取焦及曲沃。又大破韓師。及魏公孫衍於岸門。韓太子倉入質於秦。以和。以本紀年表、世修。

燕亂。將軍市被與太子平攻子之。不克。被反攻太子。又不克而死。以世家、世修。

齊章子伐燕。取之。醢子之。殺王噲。以世家、世修。

燕人逐齊師。趙召公子職於韓。以爲燕王。使樂池送之。不克。以通鑑、年表、世家修。

孟子致爲臣於齊而歸。通鑑綱目。

秦封公子通於蜀。以本紀修。

齊宣王薨。子湣王地立。以通鑑修。

周赧王二年。秦惠王後十二年。魏襄王六年。趙武靈王十三年。齊湣王元年。楚懷王十六年。宋王十六年。

孟子自齊至宋。自宋適滕。勸滕文公修井法。不果行。以孟子修。

秦惠王會魏襄王于臨晉。立魏公子政爲太子。以本紀年表修。

秦庶長樗里疾伐趙。虜趙將莊豹。拔蘭。以本紀、列傳修。

齊田嬰卒。子文立。實孟嘗君。招諸侯游士及亡人有罪者爲食客。凡數千人。是後魏公子無忌、趙公子勝、

楚歇皆效之。以列傳修。

楚屈原作離騷。以列傳修。

楚懷王趙襄王如趙。以趙世家修。

秦使張儀說楚絕齊親秦許賂以商于地儀歸背楚賂楚使屈匄帥師伐齊。以列傳修。

周赧王三年。秦惠王後十三年。魏襄王七年。韓宣惠王二十一年。齊湣王二年。楚懷王十七年。宋王十七年。

秦魏章樗里疾甘茂大破楚師于丹陽虜其將屈匄及裨將逢侯丑等七十餘人斬首八萬取漢中地六

百里置漢中郡。以本紀、年表世家、列傳修。

楚懷王悉兵襲秦秦大敗之于藍田韓魏絕楚至鄧楚乃引兵歸割一城以和于秦。以世家、張儀傳、稽古錄修。

楚景翠園魏雍氏。以韓世家注修。

韓宣惠王薨子襄王倉立。以世家修。

秦庶長樗里疾帥師救韓敗楚。以本紀、韓世家注修。

齊宋園魏煮聚。以韓世家注修。

秦樗里疾與魏伐齊虜其將聲子於濮遂伐燕。以本紀年表修。

燕人共立太子平實昭王。以年表世家修。

秦惠王魏宣王會于蒲坂。以水經注修。

周赧王四年。

秦惠王後十四年。魏襄王八年。韓宣王倉元年。趙武靈王十五年。齊湣王三年。楚懷王十八年。燕昭王平元年。衛嗣君十二年。

燕昭王怨齊禮郭隗以招賢者。

以皇極經世。事要歷修。

秦伐楚取召陵。

紀本。

魏伐衛拔二城。

以列傳修。

蜀相壯殺蜀侯降秦。秦以王子煇爲蜀侯。

以本紀秦隱。甘茂傳修。

楚囚張儀。既而赦之。儀遂說楚。韓、齊、趙、燕連橫事秦。

以通鑑列傳修。

秦惠王薨。子武王立。六國連橫之約皆解。

以本紀列傳修。

周赧王五年。

秦武王元年。魏襄王九年。趙武靈王十六年。

秦武王、魏襄王會于臨晉。

以本紀通鑑修。

客卿謂秦武王曰。張儀之貴不得議公孫郝。則從臣不事大臣矣。公孫郝之貴不得議甘茂。則從臣不事

近臣矣。

以戰國策修。

秦蜀相壯反。秦使甘茂定蜀。誅壯。

以本紀列傳修。

秦出張儀。魏章于魏。

以本紀修。

趙立吳娃爲后。生子何。

以世家修。

秦伐義渠、丹犁。以本紀修。

周赧王六年。秦武王二年。魏襄王十年。趙武靈王十七年。

秦初置丞相。以樗里疾爲右丞相。以茂爲左丞相。以本紀列傳修。

魏張儀卒。以世家修。

趙築野臺。以世家修。

周赧王七年。秦武王三年。魏襄王十一年。韓襄王四年。

秦武王、韓襄王會于臨晉。以本紀世家修。

秦樗里疾免相。相韓。以本紀修。

秦武王、魏襄王會於應。以世家修。

秋。秦丞相甘茂、庶長封伐韓宜陽。以本紀列傳修。

秦渭水赤三日。以本紀修。

甲寅。周赧王八年。秦武王四年。魏襄王十二年。韓襄王五年。趙武靈王十九年。楚懷王二十二年。

正月。趙武靈王大朝信宮。召肥義與議天下。五日而畢。以世家修。

楚景翠救韓。以周本紀、戰國策修。

秦拔宜陽，斬首六萬，又取武遂城之。韓使公仲侈入謝於秦，以請平。以本紀、列傳、通鑑修。

秦逐公孫衍，其後爲魏所殺。以戰國策、韓非子修。

魏太子朝于秦。以世家修。

八月，秦武王舉鼎絕膂而薨，無子，異母弟稷立，寔昭王。以本紀年表、世家修。

秦立準八子爲太后，聽政。以續侯傳修。

秦以魏冉爲將軍，衛咸陽。以續侯傳修。

趙初胡服。年表。

周赧王九年。秦昭王穆元年，魏襄王十二年，韓宣王六年，趙武靈王二十年，齊湣王八年，楚懷王二十三年。

秦歸武遂于韓。以年表、世家修。

楚與齊韓合從。以世家、通鑑修。

秦甘茂、樗里疾伐魏皮氏，未拔。甘茂棄軍奔齊，樗里疾與魏和，罷兵。以年表、列傳、戰國策修。

秦以樗里疾爲丞相。以本紀修。

趙武靈王略中山地，至寧葭，西略胡地，至榆中，使趙固主胡，致其兵。以世家修。

周赧王十年。秦昭王二十二年，魏襄王十三年，趙武靈王二十一年，楚懷王二十四年。

彗星見。紀本

趙攻中山，取丹丘、爽陽、鴻之塞，又取鄣石邑，封龍東垣，中山獻四邑以和。以世家、通鑑修。

秦庶長壯及大臣諸公子作亂，魏冉誅之，遂殺惠文后，出悼武王后於魏。以本紀、列傳、通鑑修。

楚倍齊而合秦。以世家修。

秦迎婦于楚。以年表修。

魏城皮氏。以水經注修。

周赧王十一年。秦昭王三年，楚懷王二十五年。

秦昭王冠。以本紀修。

秦昭王、楚懷王盟于黃棘，秦復與楚上庸。以世家修。

周赧王十二年。秦昭王四年，魏襄王十六年，韓宣王九年，趙武靈王二十三年，齊湣王十二年，楚懷王二十六年。

彗星見。以本紀年表修。

秦取魏蒲阪陽晉，封陵。以世家年表修。

秦復取韓武遂。以世家修。

趙攻中山。以世家修。

齊韓魏伐楚。楚使太子橫爲質于秦而請救。秦客卿通將兵救楚。三國引兵出。以世家、通鑑修。

周赧王十三年。秦昭王五年。魏襄王十七年。韓襄王十年。楚懷王二十七年。

魏襄王、韓太子嬰朝秦。秦朝王會之於臨晉。以蒲阪與魏。以本紀、世家修。

楚太子橫自秦亡歸。以世家修。

周赧王十四年。秦昭王六年。魏襄王十八年。韓襄王十一年。趙武靈王二十五年。齊湣王十三年。楚懷王二十八年。

秦蜀郡守煇反。司馬錯定蜀誅之。以本紀年表修。

秦伐韓取穰。以世家修。

秦庶長奐與齊韓魏共攻楚。敗楚於重丘。殺楚將唐昧。斬首二萬。以本紀世家修。

趙惠后薨。使周紹胡服。傅王子何。以世家修。

秦涇陽君爲質于齊。以本紀修。

日有食之。以本紀修。

秦畫晦。以本紀作。

秦蜀郡守李冰鑿離堆避沫水之害。穿二江成都中。以前漢志修。

魏史起引漳水溉鄴。以前漢志修。

周赧王十五年。秦昭王七年。魏襄王十九年。韓宣王十二年。趙武靈王二十六年。齊湣王十四年。楚懷王二十九年。燕昭王十一年。

秦樗里疾卒。以樓緩爲相。趙使仇液之秦。請以魏冉爲秦相。秦免緩而相冉。以年表列傳修。

東周與西周戰。韓救西周。本紀。

韓太子嬰卒。楚圍韓雍氏。將納公子蟊虱爲韓太子。楚師敗。蟊虱不得歸韓。以世家及注修。

韓徵甲與粟於東周。以本紀修。

秦華陽君伐楚。斬首三萬。殺其將景缺。取襄城。以通鑑、年表世家修。

楚太子橫質于齊。以世家修。

齊王魏王如韓。以韓世家修。

趙攻中山。林胡樓煩攘地。北至燕代。西至雲中。九原。置雲中。鴈門。代郡。以世家、前漢匈奴傳修。

燕將秦開襲破東胡。東胡卻千餘里。置上谷。漁陽。右北平。遼西。遼東郡。以前漢匈奴傳修。

周赧王十六年。秦昭王八年。魏襄王二十年。趙武靈王二十七年。韓宣王十三年。齊湣王十五年。楚懷王三十年。

秦將軍聶戎攻楚。取新市。齊章子。魏公孫喜。韓暴鳶。助秦攻楚。虜唐昧。取八城。以本紀年表。

五月戊申。趙武靈王傳國於少子何。實惠文王。以肥義爲相國。并傳王。武靈王自號主父。以世家修。

魏襄王與齊湣王會于韓。立公子咎爲韓太子。以年表世家修。

秦昭王誘楚懷王會武關至則執之楚大臣共立太子橫爲王實頃襄王。以世家修。

秦以田文爲相。以齊世家年表修。

周赧王十七年。秦昭王九年。魏襄王二十六年。韓襄王十四年。趙惠王何元年。齊湣王十六年。楚頃襄王橫元年。

秦以樓緩代田文爲丞相囚文欲殺之文亡歸齊齊以文爲相。

齊韓魏伐秦敗秦軍于函谷關河渭絕一日秦使公子池割河東三城以講於三國三國之兵乃退。以年表修。

家、戰國策修。

趙封公子勝爲平原君。以年表修。

秦伐楚大破楚軍斬首五萬取十六城。以世家年表修。

甲子周赧王十八年。秦昭王二十年。趙惠文王二十年。楚頃襄王二年。魯平公二十年。

楚懷王自秦走趙趙人不受秦追及之以歸。以世家通鑑修。

魯平公薨子湣公賈立。以通鑑修。

大事記卷五

周赧王十九年。秦昭王十一年。魏襄王二十一年。韓宣王十六年。趙惠文王三年。齊湣王十八年。楚頃襄王三年。燕昭王十六年。

彗星見。以本紀年表修。

楚懷王薨於秦。秦歸其喪於楚。楚人皆憐之。如悲親戚。諸侯由是不直秦。以世家修。

楚與秦絕。以世家修。

魏伐楚。以戰國策修。

趙主父與齊燕共滅中山。遷其王於膚施。還歸。行賞大赦。置酒酺五日。以世家修。

趙封公子章爲大安陽君。使田不禮相之。以世家修。

魏襄王薨。子昭王立。以通鑑修。

韓襄王薨。子釐王咎立。以世家修。

楚以王子蘭爲令尹。放屈平於江南。以列傳修。

周赧王二十年。秦昭王十二年。魏昭王元年。韓釐王咎元年。趙惠文王四年。楚頃襄王四年。燕昭王十七年。

秦丞相樓緩免。以穰侯魏冉爲丞相。以年表修。